

方臺葉毘盧遮那佛・大集雲集諸佛如來・般若染淨千佛示現・大日金剛頂等千二百尊但演說其近因因果不顯其遠因果。速疾頓成說之亡失三五遠化。化道始終削跡不見。華嚴經大日經等一往見之似別圓四藏等。再往勸之同藏通二教未及別圓。本有三因無之。以何定佛種子。而新譯譯者等來入漢土之日見聞天台一念三千法門。或添加自所持經々。或自天竺受持之由稱之。天台學者等或同自宗悅或貴遠蔑近。或捨舊取新魔心愚心出來。雖然所詮非一念三千佛種者有情成佛。木畫二像之本尊有名無實也。問曰。上大難未聞其會通如何。答曰。無量義經云。雖未得修行。六波羅蜜。六波羅蜜自然在前等云云。法華經云。欲聞具足道等云云。涅槃經云。薩者名具足等云云。龍樹菩薩云。薩者六也等云云。無依無得大乘四論玄義記云。沙者決云。六。胡法以六爲具足義也。吉藏疏云。沙者翻爲具足。天台大師云。薩者梵語。此翻妙等云云。私加會通如續本文。雖爾文心者釋尊。因行果德。二法妙法蓮華經。五字具足。我等受持此五字自然讓與彼因果功德。四大聲聞領解云。無上寶珠不求自得云云。我等已心聲聞界也。如我等無異。如我昔所願。今者已滿足。化一切衆生皆令入佛道。妙覺釋尊我等血肉也。因果功德非骨髓乎。寶塔品云。其有能護此經法者。則爲供養我。